

Inuussutissarlerinermut aamma uumasut nakorsaqaqarnerannut tunngasunut suliassaqaqarfiup tamakkiisumik tiguneqarnissaat pillugu nassuiaasioqqillugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Pineqartut tiguneqarnerisigut inatsisilerinikkut allaffissorinikkullu aallaavissat sukumiinerusut taamatullu aamma pilersitsinermut ingerlatsinermullu aningaasatigut kingunerisassat nassuiaammi allaaserineqassapput. Suliassaqaqarfiup ulluinnarni ingerlanneqarsinnaaneranut sulisussarsiniartarnejq ilanngullugu, periarfissat nassuiaammi nalilersorneqassapputtaq. Nassuiaat Inatsisartunut UPA2020-mi saqqummiunneqassaaq.
(Inatsisartuni ilaasortaq Aqqalu C. Jerimiassen, Atassut)

Akissuteqaammut oqaasissat

(Aalisarnermut, Piniarnermut Nunalerinermullu Naalakkersuisoq)

Aappassaaneerneqarnera

Naalakkersuisuninngaanniit Aalisarnermut Piniarnermut Nunalerinermullu ataatsimiititaliap inuussutissalerinermut aamma uumasut nakorsaqaqarnerannut tunngasunut suliassaqaqarfiup tamakkiisumik tiguneqarnissaat pillugu nassuiaasioqqillugit Naalakkersuisut peqquneqarnissaannik Inatsisartut aalajangiiffigisassaattut siunnersuummut isumaliutissiissuteqarneranut qutsavigaagut, tupinnaannartumillu ataatsimiititaliap isumaqatigiittup inassutigisaanut Naalakkersuisunit oqaatigissavarput Inatsisartut aalajangiiffigisassaattut siunnersuutip allanngorneqarnissaanik inassuteqaat pillugu, maannakkullu Naalakkersuisut UKA2020-mut inuussutissalerinermut aamma uumasut nakorsaqaqarnerannut tunngasunut suliassaqaqarfiup tamakkiisumik tiguneqarnisissaannut inassuteqarfigineqartumut tupigusoqigatta.

Ataatsimiititap allannguutissatut siunnersuutigisaanut siunnersuusiortarnermi piumasarineqartut pillugit Naalakkersuisunit nalilerparput siunnersuuteqarnermut piumasaqaataasunut nalignnaasunut naapertuutinngitsoq. Tamatumani paaseqqullugu ilaasortamit siunnersuutigineqartumut sanilliullugu allannguutissatut siunnersuusiortarnermi piumasaqaatit, ima nikingatigisumik ilusilerneqarsinnaanngitsoq, allannguutissatut siunnersuummi akuersissuteqarsinnaaneq siunnersuuteqarsinnaaneranut piumasaqaataasunut akerliussasoq, tassami siunnersuuteqartup saqqummiussaa Inatsisartuni marloriarlugu oqaluuserineqartariaqarmat.

Naalakkersuisut inuussutissalerinermut aamma uumasut nakorsaqaqarnerannut tunngatillugu suliassaqaqarfiup UKA2020-mi tamakkiisumik tiguneqarnissaanut allannguutissamik siunnersuuteqarneq sakkortunerpaamik nangaanartoqartippaat. Oqaatigineqassaarlu maannakkumut suliassaqaqarfiup tamakkiisumik tiguneqarnerata kingorna Kalaallit Nunaanni inuiaqatigiinnut aningaasaqarnermut allaffissornermilu sunniutissat pillugit misissuinerit nalunaarusiallu naammaginartut ingerlanneqarsimanngimmata.

Inatsisartut suliassaqaqarfiup tamakkiisumik tiguneqarnissaa pillugu siunnersuutaasoq akuerissagaluarpassuk ilisimasaqassusermik tunngaveqarnavianngilaq, Kalaallit Nunaatalu inuussutissanik aalisakkanillu avammut niuerutigisartagaanut sakkortooujussuarmik kingunerluutaasinnaasuvoq tamannalu nunatta aningaasaqarneranut aamma sakkortooujussuarmik kallaassalluni. Inuussutissalerinermut Uumasunullu Nakorsaqaqarfiup akisussaaffigineqarneranik tamakkiisumik angerlaassineq inatsisinik aamma oqartussaaffeqarnermi aqqqissuusinermik allannguuteqartitsiinnarnavianngilaq, aamma ineriartortitsinissamut piginnaasanillu ilinniagaqarsimasunik pissarsiortorniarnissaq pineqarlutik tassunga ilanngullugit, inuit

atorfeqartitassat aamma aningaasatigut pisariaqartitsinerit, inuit piginnaasallu ullumikkut pigineqanngitsut. Tassungaa atatillugu erseqqissaatigineqassaaq Nunatta EU-mik niueqateqarsinnaanerata inissisimanera Nunatta Qallunaallu akornanni avitseqatigiinnikkut piginnaatitsinikkut akisussaassuseqarfiummat. Ima inissittoqassappat inuussutissalerinermi Uumasunullu Nakorsaqaqarfiup akisussaaffigineqarnera tamakkiisoq Nunatsinnut nuunneqarluni, Nunarput avammut niuertutut nunat pingajuattut inissisimaffeqalissaaq, EU-muinnaanngitsoq nunarsuulli sinneranut tamanut, soorlu assersuutigalugu USA, Rusland aamma Japan.

Naalackersuisut nalilersuinerat aallaavigalugu Inuussutissalerinermut aamma uumasut nakorsaqaqarnerannut tunngatillugu suliassaqaqarfiup tamakkiisumik tiguneqarnissaanut ilisimasaqassuseq, sunniutaasinnaasunillu misissuisimassuseq aallaaviusariaqarpoq.

Taama oqaaseqarlunga Naalackersuisut allannguutissatut siunnersuummik ima inassuteqarput:

Allannguutissatut siunnersuut: Inuussutissalerinermut aamma uumasut nakorsaqaqarnerannut suliassaqaqarfiup tamakkiisumik tiguneqarnissaa pillugu Naalackersuisut UKA2020-imut nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaammi suliassaqaqarfiup tigujartuaarnissaanut pilersaarusiamik siunnersuuteqartumik ilanngussisoqassaaq nalaagaaffimmit akisussaaffinnik tigusassanit allanut ilanngullugu.